


重修芮城縣志

卷首  
纂修人員表

地  
12.25/1  
4  
1-8



12.25-1911  
12.25-1911





芮城縣志目錄

卷首

序

纂修縣志人員表

舊志歷修姓氏

例言

圖繪

卷一

星野志

度候表附

輿地志

芮城縣志目錄

卷二

形勝風土志

建置志

田賦志

卷三

學校志

兵防志

四

氏族畧

五

物產畧

生業畧

禮俗畧

卷六

職官表

卷七

選舉表

卷八

名宦傳

卷九

芮城縣志  
目錄

二

名賢傳

文儒傳

卷十

孝義傳

卷十一

列女傳

卷十二

沿革考

古蹟考

卷十三

金石考

卷十四

詳異考

叢載

卷十五

藝文錄上

卷十六

藝文錄下

卷末

叙錄

芮城縣志

目錄

芮城縣志卷首

重修芮城縣志序

夫欲知某代之治亂興衰固必先讀某代之史欲知某縣之富庶文教亦必先觀某縣之志縣有志猶國有史也考芮城縣志初修于明嘉靖間劉鳳川先生繼修于隆慶萬歷間李縣尹及薛僉憲三修于清康熙壬子縣令畢盛讚四修于乾隆癸未縣令莫溥最後修于光緒庚辰縣令萬啓鈞迄今四十餘年矣余于民國己未秋奉檄宰斯土本閩百川省長用民政治宗旨日以重民德開民智裕民財爲事下鄉詢問民疾苦未及兩浹月而三十七主村已周行普遍其閭閻之情僞土地之肥瘠學校

芮城縣志序

之興廢蓋藏之有無盡知之矣公暇復取縣志參考而證明之迺知自清光緒六年後再未續修近今四十年間事竟付闕如不禁廢書而三嘆也假令遲十年不續則大事散佚無存假令遲五年不續則小事遺亡難稽是續志一役有刻不容緩者爰謀之僚屬僉曰當修謀之各機關士紳僉曰當修謀之四鄉縉紳先生莫不曰當修余于是奮然起矣復思續志何事我輩何人豈敢易言哉晚近南海縣志世稱精確張季直猶瑕訾之即南通縣志安見無人議其後者東亞文學之博而通而精如康南海張南通者有幾人哉余于是赧然羞矣雖然閩百詩考據曾見賞于寧人吳蓮洋詞章尤推尊于文苑今世條南河曲

焉知無偉人哉適是時有本邑張鉄峰君丁艱返里素稔其才長學博敦請纂修渠亦慨就庚申初夏著手時經半載已將應行續編才料徵集完全編纂初定復欲將舊志正續各篇從頭改編一次以期整齊而成完璧詎料賑務忙迫人心浮動無暇及此延至今歲夏正八月再請張君以竟其事乃外出教習未克如願改聘蕭君鄧甫馬君儀軒繼續改編類分圖志畧考表傳六種計二十二篇訂十八卷隨編隨校每編定一篇余與各掾屬暨邑紳范助丞尙遠山劉幼天朱龍軒諸君校對一次三閱月而竣事可謂裨諶草荆矣至修飾潤色等事則求諸博學鴻文之鉅紳景太昭先生焉將見畫龍點睛神乎其技疇謂不

芮城縣志

序

二

可與南海南通兩志並傳于斯世耶志稿草定例得敘其始末云中華民國十年歲次辛酉十二月中旬牛照藻

序

志與史孰重曰志重史者紀一國之典章文物志不過一縣耳何爲而重于史曰國史之作不能無徵于志縣無信志國卽不能信史志顧不重哉然體爲史之創始事無可據例無可因凡政治美惡人物臧否文章俗雅風化淳澆盡採諸士民悠悠之口心稍爲偏倚惡者錄而善者遺矣其編輯不尤難于史歟芮邑北負山南面河靈鍾秀毓歷代賢杰踵嘗相接高尚如段干木忠烈如張睢陽孝敬如張始興執法如王莊毅公志堅金石光懸日月固不藉邑志芳名早宣揚一朝之史乘表表塵寰與山河同永久矣下此繼數公而起者代不乏人顯一邑則有

芮城縣志

序

餘傳天下則不足非有志以識之勢必湮沒無徵千古人士常興杞宋之慨竊幸邑先正劉子鳳川有見于斯旁徵遠考彙集成篇芮之有志自此始厥後歷明隆萬至清光緒間薛子一鸞知縣畢公盛讚莫公溥萬公啓鈞續修者屢矣四百餘年之典禮政教忠孝名節以及宏文巨製皆備載無遺闡揚前徽其有既乎不後嘗披覽其書嘉其簡而不繁質而不華于劉子不能不三致意焉蓋天下事因者恆易擬者實難吾芮自商周至于有明上下數千年茫茫墜緒杳難稽考而劉子獨自開體例網羅文獻鉄心直筆應追董狐通學碩才當步馬班不誠爲士林後俊者乎然使續者無人將必爲劉子憾莫萬諸賢既皆無愧矣

自萬公而後以至今日悠悠四十餘載其間滄桑變易政治紛更盈虛消長歲異而月不同使因循遲久則代遠人湮後之起者徵文考獻無所取衷而欲論列前代遠紹劉子豈易得哉此續編爲今日所尤亟亟者邑之人士嘗有志未逮幸 牛公在漁來牧是邦下車伊始擴充學校勸課農桑毅然期苒臻于上理人民已心沃而身德也政餘之暇概任斯舉九年春卽聘張鉄峯巨總其事張君固敏捷才也六閱月大綱已備是年秋旋遭荒旱賑濟在急 牛公簿書鞅掌勢難兼顧事遂中止迄今年秋災黎已蘇年豐人和 牛公卽圖賡前事而張君已應聘運城女子師範學校主教矣遂命不佞踵爲之自揣謏陋辭至再

芮城縣志

序

二

三不獲命蓋吾邑宏通博雅之士多宦游于外在邑者又皆身膺要職叢脞無暇此 牛公倦倦于不佞也時有馬儀軒鳴鳳王俊卿德秀分任其事而俊卿旋以病歸里未得操觚日惟儀軒修飾討論資益實多且幸 牛公學遽經史識高古今每有編定卽呈核閱刪繁去陋批謬訂訛潤色之功巨矣而范勳丞師佐堯朱龍軒廷袞尙遠山鍾秀蕭符玉葆錄劉幼天葆眞謝錫卿鴻恩景甄吾激清更爲採訪遺事頗資考據王環初綬象與吾弟翊漢亦間爲襄助脫稿之始適景太昭先生以假返自京師 牛公復轉以稿送呈修正集思廣益斯志遂告厥成嘗論志者事關重要無才與學固不能爲有才學而心不正亦不可

爲不佞才學無足言所恃以信人傳後者惟心耳言雖無文而紀事必核實阿好懷怨之私衷不敢纖毫存中夜自思足以對越神明無負劉子與續修諸大雅者或在此乎苟覽者能相爲深信知是書謹嚴祥明無匿瑕亦無溢美則前哲之懿行善政益爲可貴其風韻將播于遠邇異日觀風採俗者聞之使參錯總志宣付國史蕞爾下邑竊廁于晉乘之列則牛公興學救荒諸善舉亦得與斯志同不朽此誠不佞之奢望也至徒揚葩振藻掇華取英文雖工無信于人有識君子或不以是苛責也歟中華民國十年冬日邑人蕭光漢序

序

芮城有志始于明嘉靖之世鳳川劉子以斐然著作之才博採  
詳蒐剋列條例彬彬乎成籍逮清光緒先後三百餘年踵續四  
修各有增補而大綱仍舊民國肇興方徵域內國籍今縣長興  
縣 牛公汲汲留意聘張君鉄峯主其事君于今秋任教員赴  
河東推蕭君鄴甫代成之 不才淺學亦濫與襄纂王君環初  
繪各圖鄴甫弟叔弼測度候縣長潤色而次第之十年十一月  
書成 按類伸其意叙曰地位所居弗寒弗煖日差里度晨昏  
出入算晰毫厘敬授四時作度候表第一條峙黃流芮介其裏  
西永東平長七十里村三十七隸分三區中有泉流澤潤亦細

芮城縣志 序

壑險谷幽戎馬足阻依形據勢世亂可守美哉巖邑四塞之固  
述輿地志第二三里之城建始後周賴有良吏是葺是修驛署  
橋梁翼翼將將壯我觀瞻利我周行述建置志第二天多亢旱  
地非膏腴人繁勤穡催科是慮拳禍肇清徵畝伊始民國革新  
加附再四雜稅軫軫稠疊如雨前代租庸太息難遇幸備倉庾  
豐積歉食意美法良劉呼母慈述田賦志第四惟學化質增益  
能智卜傳孔教大純士習樂育庠序絃歌洋洋學以致用乃務  
詞章清始立校今遂大昌男女誦聲齊被里巷推陳崇新習中  
包西蔚爲英杰實是賴之述學校志第五承平之世養兵備捕  
攘攘亂興萑苻時伏武備不修強梁疇禦扼要布防人安枕席

述兵防志第六世澤清門統續禋承溯祖及裔且表簪纓亦多  
編氓孫子蜚聲述氏族畧第七草木鳥獸詳述葩詩天產蕃膻  
悉土之宜穰穰貨積惟勤人工雖曰無珍民賴以生述物產畧  
第八勤學而外勤稼在氓營殖製造競殫其能泉貨流充百業  
斯興述生業畧第九秩秩威儀莘莘俎豆雖不復禮猶存古意  
今漸趨華寧儉寧戚欲化澆俗惟敷文治述禮俗畧第十晉代  
以還官始知名遞及民國七百已盈佩綬食祿匪能匪廉芳聲  
不著僅列名銜述職官表第十一文教日宣英才蔚起紱冕冠  
裳取同芥拾航海既通望洋而歎三島求師以輔不足畢業若  
雲思強中國作選舉表第十二賢宰下車鳴琴敷治清廉惠能

芮城縣志

序

二

各行已志臨去攀轅子戀母慈德澤不忘馨香祝祀述名宦傳  
第十三良夫諷詩文侯稱杰干木抗志睢陽忠烈張孝格天王  
直動主少府文章中丞事業循史頌韓正儒推薛斯彪炳矣亦  
有名哲才分文武功被所在景行不忘遺徽可採述名賢傳第  
十四學富聞博白首窮經躋班齊馬千人之英文作琳琅詩成  
珠玉雍容諸儒並擅才藝出其所藏陶鎔多士芳躅雖遙流風  
如遇述文儒傳第十五念彼十室忠信有人良知天賦孝弟獨  
純亦有惠施賑粟揮金雖曰未學懿行可欽述孝義傳第十六  
厥命不猶厥德孔佳婉婉思孝有姑咨嗟處難不渝金堅玉潔  
正風勵俗幽貞烈烈述列女傳第十七于商有國後周作城隋

唐宋元割屬無定明清隸解今領河東述沿革考第十八廟祠  
繇祀荒塚埋香故國亭園溼爲草莽尋踪憑弔風流如仰述古  
蹟考第十九精彩篆籀漢碑云渺魏周而降殘闕不寶蒐集遺  
存聊資一考述金石考第二五行占候難準災祥天變妖異  
敢云虛罔兵荒之來每有不爽述祥異考第二十一在昔相傳  
旣神且異于今有言亦稚亦俗彙而記之庶無曠義述叢考第  
二十二誌物纂事記序如琅煌煌大筆燦爛文章游哉吟詠遺  
韻鏘鏘低回誦之如挹馥芳錄藝文第二十三中華民國十年  
冬日邑人馬鳴鳳序

序

昔者太古之初結繩而治然則國史之興其源不亦遠乎厥後  
伏羲畫卦書契肇作墳典相替史學益備降及殷周天下諸侯  
邦國莫不有史矣秦有天下罷侯置守令太史之職惟王朝得  
專有之于是郡縣之所記載遂舍史言志示不敢僭於朝廷也  
實則義一而已吾芮鄙在山陬蕞爾微邦自鄆以下靡所稱述  
故爲賢人君子所弗道而松栢之姿部婁無殖又不足以自振  
是以杞宋無徵識者傷焉明之中葉東川白公撫臨茲土閱其  
文獻淪沒禮俗舛異於是徵其故實考其因革付之簡編以昭  
來茲而邑人鳳川劉子實與有勞焉自是以來續者九家成書

芮城縣志一序

累帙遭時荒亂率多逸闕前輩風雅邈焉莫窺今所存者畢言  
兩志而已有清景廟之初知縣事萬公復遵舊例增輯數卷爾  
後五十餘年迄無繼者天人變遷日新月異辛亥改革事多紛  
更失今不續後益匪易民國八年今 縣長牛公來宰斯土政  
餘之暇屬意文史追維舊聞放佚喟然嘆息爰集士紳籌議增  
續九年春 遭先君大故讀禮家居得與縣中諸君子共襄厥  
事蒐輯甫竟公又欲取舊志復條理而整齊之適以荒賑而止  
越明年歲豐人和蕭鄴甫光漢馬儀軒鳴鳳復承命纂輯 公  
於勤政之餘亦躬親厥務指陳得失尋吾鄉景太昭先生反自  
都門聞有縣志之修遂欣然出其餘緒詳爲增輯然後是書燦

然大備後之閱斯志者其在位之君子則可考其禮俗察其民  
物徵其文獻設爲教禁著之勸懲以爲民治其士衿則能驗其  
得失辦其善惡明其榮辱以爲民化俾吾邑躋爲文明之域不  
可謂非斯志之功也抑且有猶感者世之所謂良有司者率多  
工於趨避巧于彌縫其於爲政之道曾焉莫知其或知之亦置  
之弗爲惟 牛公懇懇以教養爲志旣治斯民又詳述其禮俗  
民物俾後之爲政者得有所法守其仁澤所及不亦遠哉且也  
荒區陋儒亦得追隨末光藉知舊聞景彼昔賢思所以光於吾  
芮者以自警惕焉於是乎書張巨謹叙

纂修縣志人員表

職別 姓名 籍貫 履

歷

鑒定 牛照藻 興縣

清拔貢刑部北洋法政畢業現署理高城知事

景耀月 本縣

清副貢日本大學畢業現任大總統府政治顧問

纂修 張 亘 本縣

省優級師範預科畢業現充河東女子師範學校教員

蕭光漢 本縣

清生員現充第二高小學校教員

馬鳴鳳 本縣

清生員前充黑龍江呼蘭審判廳推事

分纂 范佐堯 本縣

清舉人現充女子高小學校校長

朱廷袞 本縣

考取俊士現充縣署書記兼成訓局局長

尚鍾秀 本縣

百大學校預科畢業現充第一高小學校校長

芮城縣志 纂修人員表

蕭葆籙 本縣

清拔貢現充勸學所所員

劉葆真 本縣

河東中學校畢業現充第一高小學校教員

王綬象 本縣

河東中學校畢業現充第一高小學校教員

謝鴻恩 本縣

河東師範學校畢業現充第一高小學校教員兼教育會會長

蕭翊漢 本縣

河東中學校畢業現充第一高小學校教員

景澂清 本縣

清大學生現充公啟局局長

王德秀 本縣

河東師範學校畢業考取俊士

王允德 本縣

河東中學校畢業現充勸學所所員

校對 樊玉樞 定襄

北京法政法科畢業現充承審員

吳廉方 湖北隨縣

湖北工業教員講習所畢業現任主任員

范連城 趙城縣

省優級師範科選畢業現任縣視學

武駿烈 河津縣

省農林專門學校林本科畢業現任實業技士

周鼎新 平陸縣

清生員現任宣講員

王殿棟 安邑縣

自警察學校畢業現任警佐兼第一區長

武紹文 河津縣

中學畢業警察傳習所畢業現充巡官

楊澍 本縣

山西大學探礦科畢業

韓文燦 本縣

河東中學畢業現充第一高小學校教員

劉建績 本縣

河東甲種農業學校畢業現充第一高小學校教員

張乃濟 本縣

第一高小學校畢業現充縣署錄事

關漢卿 本縣

現充署縣書印員

芮城縣志 纂修人員表

採訪 辛如鏘 稷山縣

現任第二區區長兼警佐

馬應龍 稷山縣

省法政學校畢業現任第三區區長兼警佐

楊維 本縣

河東中學校畢業現充第二高小學校校長

馬舒錦 本縣

清生員現充第三高小學校教員

李蔭蹊 本縣

河東中學校畢業現充第三高小學校校長

張郁文 本縣

河東甲種農業學校畢業現充第二高小學校教員

劉景琨 本縣

河東中學校畢業現充第二高小學校教員

薛珍 本縣

河東中學校畢業現充第二高小學校教員

張翰 本縣

河東中學校畢業現充第二高小學校教員

劉勸 本縣

省大學校預科畢業現充第三高小學校教員